

Tej Ntaub Ntawv Muab Lus Qhia Rau Niam Thiab Txiv Txog Tus Mob Uas Tsis Muaj Thaj Ees Xais Guanidinoacetate Methyltransferase (GAMT)

Txhua tus me nyuam mos yug nyob hauv North Carolina yuav raug kuaj kiag thaum yug los txhawm rau kuaj qee yam teeb meem fab kev noj qab haus huv uas yuav tuaj yeem kho tau yog tias kuaj pom rau thaum ntxov. Qhov kev kuaj tau txog kev kuaj nrhiav kab mob hauv tus me nyuam yug tshiab tau qhia pom tias koj tus me nyuam mos yuav muaj kev muaj thaj ees xais guanidinoacetate methyltransferase (GAMT) tsis txaus. Koj tus me nyuam mos yuav raug xa mus rau tus kws kho mob paub tshwj xeeb kom tau txais kev kuaj ntxiv kom paub tseeb.

Feem ntau yuav tsis muaj cim qhia txog kev muaj thaj ees xais GAMT tsis txaus thaum yug los.

Kev muaj thaj ees xais GAMT tsis txaus yog dab tsi?

Kev muaj thaj ees xais GAMT tsis txaus yog tus zwj ceeb mob los ntawm caj ces uas tsis tshua pom muaj uas lub cev tsis tsim muaj thaj ees xais GAMT txaus. Yuav tsum tau muaj thaj ees xais GAMT los tsim ua cov thaj creatine. Thaj creatine muab lub zog rau txhua cov qe ntshav hauv lub cev thiab yuav tsum tau muaj rau kev tsim tej leeg nqaij thiab lub hlwb. Yog tsis muaj kev kho mob, kev muaj thaj ees xais GAMT tsis txaus yuav ua rau muaj kev puas tsuaj tau rau lub hlwb thiab tej leeg nqaij. Kev kuaj pom thaum ntxov thiab kev kho mob tuaj yeem pab rau cov me nyuam yaus uas muaj thaj ees xais GAMT tsis txaus ua tau lub neej nyob muaj kev noj qab haus huv.

Cov tsos mob ntawm kev muaj thaj ees xais GAMT tsis txaus muaj dab tsi thiab?

Cov tsos mob, los sis cov cim mob, ntawm kev muaj thaj ees xais GAMT tsis txaus yuav tshwm sim thaum twg los tau txij thaum hnuv nyoog 3 lub hlis mus txog 3 xyoos. Cov tsos mob no yuav muaj:

- Zaum los sis mus kev tau qeeb
- Hais tau lus taj
- Tej leeg nqaij tsis muaj zog
- Kev mus los tswj tsis tau
- Qaug dab peg los sis tsaus muag

Yuav muaj dab tsi tshwm sim tom ntej?

Cov me nyuam mos uas muaj thaj ees xais GAMT tsis txaus yuav muaj kev noj qab haus huv zoo tuaj yog tias pib ua kev kho mob kom ntxov, yog li ntawd nws thiaj li yog qhov tseem ceeb yuav ua kev kuaj ntsuas soj qab taug xyuas kom tiav sau kom nrhiav paub seb koj tus me nyuam mos puas muaj tus zwj ceeb mob no. Kev kuaj ntsuas nrhiav kab mob yuav muaj kev kauj txog thaj ees xais guanidinoacetate (GUAC), thaj qaub amino acid, thiab thaj creatine qis hauv ntshav tom qab kev kuaj nrhiav kab mob ntawm tus me nyuam yug tshiab uas pom tias muaj mob. Kev kuaj txog caj ces kuj tuaj yeem yog ib qho pab tau zoo thiab.

Yuav kho kev muaj thaj ees xais GAMT tsis txaus tau li cas?

Kev muaj thaj ees xais GAMT tsis txaus yog ib qhov zwj ceeb mob uas yuav kho tau. Kev kuaj pom thaum ntxov thiab kev kho mob yam xwm yeem tau qhia pom tias yuav tiv thaiv tau kev tsim muaj kev xiam oob qhab txog fab kev txawj ntse thiab lwm cov tsos mob ntawm kev muaj thaj GAMT tsis txaus tau. Kev noj thaj creatine thiab ornithine ntawm qhov ncauj thiab feem ntau kws kho mob yuav sau kom yuav tej khoom noj uas txwv tsis pub muaj thaj plaus tees. Cov me nyuam yaus uas muaj thaj ees xais GAMT tsis txaus yuav tsum mus ntsib lawv tus kws kho mob uas ib txwm mus ntsib ntawd, ib tug kws kho mob uas paub zoo txog kev muaj thaj ees xais GAMT tsis txaus, thiab tus kws paub txog khoom noj.

Yog xav paub ntxiv kuv yuav mus qhov twg?

Siv koj lub xov tooj lub koob yees duab los xab kees cov zauv QR hauv qab no.



[Lub Koom Haum txog Kev Muaj Thaj Creatine Tsis Txaus](#) ↗



[Lub Chaw Pab Cuam Muab Ntaub Ntawv Txog Kev Kuaj Nrhiav Kab Mob Rau Me Nyuam Mos Yug Tshiab](#) ↗



[Kev Ntsuas Thawj Zaug Ntawm Tus Me Nyuam Mos](#) ↗



[UNC Cov Caj Ces thiab Kev Ua Kom Tej Roj Ntshav Yaj Hauv Lub Cev Ntawm Me Nyuam Yaus](#) ↗



NC DEPARTMENT OF
HEALTH AND HUMAN SERVICES

Xeev North Carolina Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv Thiab Tib Neeg Feem Hauj Lwm ntsig txog Kev Noj Qab Haus Huv Ntawm Zej Tsoom www.ncdhhs.gov

<https://slph.dph.ncdhhs.gov/newborn/default.asp>

NCDHHS yog ib tug tswv hauj lwm thiab lub chaw muab kev pab cuam uas muaj vaj huam sib luag.

Daim ntawv qhia qhov tseeb no tau txais kev txhawb nqa los ntawm Lub Chaw Hauj Lwm Saib Xyuas Chaw Muab Kev Pab thiab Cov Kev Pab Cuam Kev Noj Qab Haus Huv (HRSA), Lub Thawj Fab Hauj Lwm Saib Xyuas Cov Kev Pab Cuam Kev Noj Qab Haus Huv thiab Tib Neeg (HHS) tam li yog ib feem ntawm kev pab fab nyiaj txiaj uas muab tag nrho \$344,348 nrog rau tau txais kev pab nyiaj los ntawm HRSA/HHS 100 feem pua. Cov ntsiab lus no yog (cov)tus sau li thiab tsis tas yuav qhia txog koj kev xav yam uas raug raws cai, los sis tsis tas muaj kev lees paub, los ntawm HRSA/ HHS los sis Tsoom Fwv Teb Chaws Meskas los tau.